



**ODA
E FARMACISTËVE
TË KOSOVËS**

CHAMBER OF PHARMACISTS OF KOSOVA | KOMORA FARMACEUTA KOSOVA



Republika e Kosovës
Republika Kosova - Republic of Kosovo

Oda e Farmacistëve të Kosovës
Komora Farmaceuta Kosova
Chamber of Pharmacists of Kosovo

Nr.Br.No. 273 Dt. 30/12/24

RREGULLORE PËR LICENCIMIN DHE RILICENCIMIN E FARMACISTËVE

Prishtinë, 2024

KUVENDI I ODËS SË FARMACISTËVE TË KOSOVËS, në mbështetje të nenit 19, paragrafit 1 me nënparagrafin 1.1, në lidhje me nenin 9, paragrafi 1, nënparagrafi 1.3 të Ligjit Nr. 04/L-150 për Odat e Profesionistëve Shëndetësorë, nenit 20, paragrafin 1, në lidhje me nenin 15, paragrafi 2 dhe 3 të Statutit të Odës së Farmacistëve të Kosovës në mbledhjen e mbajtur më 29/06/2019, nxjerrë këtë:

RREGULLORE PËR LICENCIMIN DHE RILICENCIMIN E FARMACISTËVE

KREU I - DISPOZITA E PËRGJITHSHME

Neni 1 Qëllimi

Me këtë rregullore përcaktohet procedura e aplikimit, kriteret për licencimin dhe rilicencimin e farmacistëve dhe specialistëve të farmacisë si dhe mirëmbajtja e regjistrit të licencave të lëshuara dhe revokuara nga OFK-ja.

Neni 2 Fushëveprimi

Procedura dhe kriteret e parapara për licencim dhe rilicencim me këtë rregullore zbatohen vetëm ndaj farmacistëve shtetas të Republikës së Kosovës.

Neni 3 Përkufizimet

Termat e përdorura në këtë rregullore kanë këtë kuptim:

Licencimi – procedura për dhënien e lejes profesionistit shëndetësor që të merret me veprimtari shëndetësore në Kosovë dhe që është i autorizuar ta ushtrojë veprimtarinë shëndetësore në pajtim me ligjet e zbatueshëm në Kosovë

Rilicencimi – procedura për vazhdimin e lejes profesionale të profesionistit shëndetësor

Komisioni – nënkupton Komisionin për Licencim të OFK-së

KEVP - nënkupton Komisionin për Edukim të Vazhdueshëm Profesional

Kartelë e identifikimit të anëtarësisë – nënkupton ID/ Certifikatën e anëtarësisë me të cilën dëshmohet se personi është anëtar në OFK.

Shërbimi Profesional i OFK-së – nënkupton zyrën administrative të OFK-së

Neni 4

Komisioni për Licencim

1. Komisioni për Licencim është komision i përhershëm i OFK-së përgjegjës në ushtrimin e këtyre kompetencave dhe përgjegjësi:
 - 1.1. Mirëmbajtjen e regjistrave zyrtarë të anëtarëve të OFK-së;
 - 1.2. I rekomandon Këshillit Drejtues të paraqesë në Kuvend ndryshimin e akteve ligjore me të cilat rregullohet fushëveprimtaria e këtij Komisioni;
 - 1.3. Vendos në shkallë të parë mbi përmbushjen e kushteve për regjistrimin, licencimin, rilicencimin e farmacistëve dhe njohjen e licencave të farmacistit të lëshuara jashtë vendit brenda kompetencave të veta;
 - 1.4. Revokimin e përkohshëm apo të përhershëm të licencës të farmacistit pas rekomandimit të Këshillit Etik (në rast ankese pas përfundimit të shqyrtimit të ankesës nga Gjyqi i Nderit);
 - 1.5. Bashkëpunimin me organet e tjera në përmbushjen e kompetencave të OFK-së, të cilat janë në përputhje me fushëveprimin e këtij komisioni.

KREU II – PROCEDURA E APLIKIMIT PËR LICENCIM DHE RILICENCIM

Neni 5

Procedura e aplikimit

1. Farmacisti inicion procedurën e licencimit dhe rilicencimit përmes parashtimit të aplikacionit elektronik.
 - 1.1. Në rast pengese të funksionimit të platformës, afatet pezullohen vetëm nëse është lajmëruar administrata paraprakisht.
2. Procedura e rilicencimit konsiderohet se ka filluar me parashtimin e aplikacionit për valorizimin përfundimtar të pikeve 5 vjeqare.
 - 2.1. Kandidatet që janë përmbytur afatet e aplikimit për valorizim konsiderohen se kanë të drejtën e vazhdimin të punës mbi bazën e licencës paraprake deri në përgjigjen e komisionit për rilicencim për aplikimin e ri.
3. Anetari i Odes pranon aplikacionin elektronik përmes platformës në email
4. Anëtarë të cilët janë në procedurë rilicencimi konsiderohen të gjithë anëtarët të cilët kanë filluar procedurën e valorizimit para hyrjes në fuqi të kësaj rregullore, pavarësisht afatit të aplikimit për valorizim me rregulloren paraprake.

KREU III – KRITERET DHE DOKUMENTACIONI I NEVOJSHËM PËR LICENCIM DHE RILICENCIM

Neni 6

Kriteret dhe dokumentacioni për licencim të farmacistëve/specialistëve të farmacisë

1. Kriteret për licencimin e farmacistëve/specialistëve të farmacisë janë:
 - 1.1. Plotësimi i aplikacionit,
 - 1.2. Letërnjoftimi – me të cilin dëshmohet shtetësia e Republikës së Kosovës,
 - 1.3. Kartela e identifikimit e anëtarësisë në OFK me të cilën dëshmohet anëtarësia në Odën e Farmacistëve të Kosovës,
 - 1.4. Certifikata e provimit profesional e noterizuar apo origjina; për licencë - me të cilën dëshmohet dhënia e provimit profesional për licencë,
 - 1.4.1. Perjashtimit nga nenparagrafi 1.4 , Për licencim specialistik paraqitet certifikata e noterizuar e provimit specialistik
 - 1.5. Pagesa e taksës administrative për licencë.

Neni 7

Kriteret dhe dokumentacioni për rilicencim të farmacistëve/specialistëve të farmacisë

1. Kushtet për rilicencim të farmacistëve/specialistëve të farmacisë:
 - 1.1. Plotësimi i aplikacionit,
 - 1.2. Letërnjoftimi – me të cilin dëshmohet shtetësia e Republikës së Kosovës,
 - 1.3. Kartela e identifikimit e anëtarësisë në OFK me të cilën dëshmohet anëtarësia në Odën e Farmacistëve të Kosovës,
 - 1.4. Të ketë vërtetimin e KEVP mbi valorizimin e pikëve në përputhje me rregulloren për edukim të vazhdueshëm profesional,
 - 1.5. Të ngarkojë licencën origjinale nëse është me validitet, ndërsa kopje nëse është e skaduar
 - 1.6. Ta ketë paguar taksën administrative për licencë.

Neni 8

Rilicencimi i farmacistëve të cilët nuk plotësojnë kriteret e EVP për rilicencim

1. Farmacistët të cilët nuk përmbushin kriterin për pikë kredituese të përcaktuar nga rregulloja për edukim të vazhdueshëm profesional i nënshtrohen provimit për rilicencim.
 - 1.1 Anëtarët të clët pas skadimit të licencës së tyre nuk i janë nënshtruar procesit të rilicencimit në kohëzgjatje prej të paktën 1 (një) viti, me rastin e nënshtrimit i nënshtrohen provimit për rilicencim në OFK

- 1.2 Provimit për rilicencim i nënshtrohen edhe farmacistët të cilët nuk aplikojnë për licencim brenda periudhës 1 (një) vjeqare nga përfundim i provimit për licencim, apo procesi i valorizimit të pikeve të rilicencim.
- 1.3 Farmacistët nga nënparagrafet 1.1 dhe 1.2 e paragrafi 1, konsiderohen se kanë 0 pikë nga procesi i valorizimit të pikëve kredituese.
2. Provimi për rilicencim organizohet nga komisioni i posaçëm i emëruar nga Këshilli Drejtues.
 3. Anëtarët e komisionit duhet të kenë të përfunduara studime pasdiplomike (për personat që kanë përfunduar jashtë shtetit nevojitet nostrifikimi i diplomës nga MASHT), dhe të paktën njëri prej tyre duhet të ketë titullin e profesorit universitar.
 4. Anëtari i OFK-së i cili ka paraqitur kërkesën për provim njoftohet së paku 8 ditë para datës së caktuar për provim.
 5. Kërkesës për provim i bashkohet vërtetimi i KEVP për mosplotësim të kriterit për rilicencim së bashku me pagesën e taksës administrative për provim. Nëse anëtari nuk i'është nënshtruar procesit të valorizimit, konsiderohet se ka 0 pikë kredituese.
 6. Provimi përbëhet nga pjesa me shkrim. Suksesi i kandidatëve në provim vlerësohet nga Komisioni me "kaloj" ose "nuk kaloj". Dosja e kandidatit është konfidenciale.
 7. Nëse kandidati vlerësohet në përfundim të testimit me shkrim me "nuk kaloj", atëherë ai duhet t'i nënshtrohet riprovimit.
 8. Nëse kandidati i nënshtrohet afatit të radhës në provim, nuk e paguan taksën administrative sërish.

8.1 Nëse anëtari nuk paraqitet në afatin e parë pas rënies nga provimi, apo nuk kalon provimin edhe në afatin e radhës paguan taksën për riprovim sërish.

KREU V – PËRMBAJTJA E APLIKACIONIT

Neni 9

1. Aplikacioni për licencimin, rilicencimin e farmacistëve dhe specialistëve përmban të dhënat personale, të dhënat e edukimit me profilin për licencim/rilicencim, të dhënat mbi punën dhe deklaratën për përgjegjësin e saktësisë së të dhënave.
2. Të dhënat tjera mund të përcaktohen me vendim të komisionit për licencim.

KREU VI - SHQYRTIMI, VENDIMET E KOMISIONET DHE E DREJTA NË ANKESË

Neni 10

Afati kohor i shqyrtimi të kërkesës

Komisioni për Licencim jo më vonë se 30 ditë nga pranimi i kërkesës për licencim ose rilicencim është i obliguar të shqyrtojë atë dhe të vendosë në lidhje me të.

Neni 11

Vendimi për miratimin e kërkesës

Komisioni për Licencim e miraton kërkesën në rast se janë të plotësuara të gjitha kushtet e parapara me këtë rregullore.

Neni 12

Vendimi për refuzimin e kërkesës

1. Në rastet kur aplikacioni përmban mangësi në plotësimin e dokumentacionit, komisioni mund të caktojë afat shtesë jo më shumë se 15 ditë nga shqyrtimi i aplikacionit për plotësimin e lëndës.
2. Nëse brenda këtij afati aplikuesi nuk vepron sipas kërkesës së Komisionit, kërkesa e tij refuzohet me vendim.
3. Komisioni refuzon kërkesën edhe në rastet kur ndaj aplikuesit ekzekutohet masa disiplinore e tërheqjes së përkohshme ose të përhershme të licencës ose fshirja e profesionistit shëndetësor nga regjistri.

Neni 13

E drejta në ankesë

1. Pala e pakënaqur me vendimin e komisionit për refuzimin e kërkesës për rilicencim, ka të drejtë ankese në afat prej 15 ditësh nga marrja e vendimit.
2. Ankesa i drejtohet Këshillit Drejtues të OFK-së.
3. Këshilli Drejtues i OFK-së është i obliguar që jo më vonë se 15 ditë nga pranimi i ankesës ta shqyrtojë atë.

4. Nëse Këshilli Drejtues e vendos se ankesa e tillë është e bazuar, merr vendim për licencimin e ankuesit, duke obliguar Komisionin për Licencim ta regjistrojë në regjistrin e lëshimit të licencave.

KREU VI – LICENCA

Neni 14

Lëshimi i licencës dhe faksimili

1. Licenca e OFK-së – original lëshohet vetëm në një ekzemplar.
 - 1.1. Përjashtimisht, në rastet e kërkesave për heqjen e plastifikimit apo duplikatit.
2. Licenca mund të përdoret vetëm nga farmacisti titullar i licencës.
3. Një kopje e origjinalit të licencës së lëshuar ruhet në dosjen e aplikuesit.
4. Vendimi i komisionit për miratimin e kërkesës, konsiderohet autorizim për kryetarin/en e komisionit për nënshkrim të licencës.
5. Kryetari i Komisionit nënshkruan licencën në ditën kur miratohet nga komisioni, apo sa më parë që është e mundur.
6. Nënshkrimi i Kryetarit/es së Komisionit për Licencim konsiderohet rekomandim për Kryetarin e OFK-së për nënshkrimin e licencës.
7. Me rastin e lëshimit të licencës, të licencuarit me kërkesën e tij i dorëzohet faksimili, i cili shërben si shenjë e identifikimit profesional.
8. Faksimili ka këtë përmbajtje:
 - 8.1. Llogo zyrtare e OFK-së
 - 8.2. Emrin dhe mbiemrin e të licencuarit;
 - 8.3. Thirrjen profesionale për të cilën është licencuar; dhe
 - 8.4. Numrin e licencës.
 - 8.5. Numrin e anëtarësisë.
9. Madhësia dhe lloji i shkronjave në faksimil përcaktohen me vendim të Këshillit Drejtues të OFK-së.
10. Pronar i faksimilit është OFK-ja dhe me rastin e skadimit të licencës, i licencuari është i obliguar që të dorëzojë faksimilin me rastin e dorëzimit të licencës së skaduar për të cilën është lëshuar faksimili i tillë.

Neni 15
Vlefshmëria kohore e licencës

Licenca e OFK-së lëshohet në afat prej 5 (pesë) viteve duke filluar nga data e vendimit të Komisionit për Licencim, përveç rasteve të parapara ndryshe me Ligj.

Neni 16
Licenca e shumëfisht

Farmacisti mund të jetë titullari i njëkohshëm i licencës për ushtrimin e profesionit si farmacist dhe si specialist në lëmi të farmacisë.

Neni 17
Licenca e humbur

1. Në rastet e humbjes së licencës, i licencuari njofton me shkrimin OFK - për humbjen e saj.
2. Kordinatori i zyrës verifikon dosjen e të licencuarit dhe vendos për kërkesën e tij.
3. Licenca e re lëshon në datat e vlefshmërisë të licencës së humbur dhe në licencë shënohet D U P L I K A T, ndërsa në heqjen e plastifikimi ekstrakt nga origjinali .
4. Licencat nga ky Në rastet e tilla licenca me të dhënat e licencës origjinale mund të nënshkruhen nga Shërbimi Profesional në vend të Kryetarit të Komisionit dhe Kryetari i Odës.

4.1. Licencat nga paragrafet 3 dhe 4 nënshkruhen nga përbërja e organeve në datën e paraqitjes së kërkesës.

Neni 18
Përmbajtja e licencës

1. Licenca e lëshuar përmban këto të dhëna:
 - 1.1. Pjesën hyrëse në të cilën shënohet baza juridike e lëshimit të licencës;
 - 1.2. Emri dhe mbiemri i të licencuarit;
 - 1.2.1. Thirrja profesionale, përfshirë këtu specializimin apo subspecializimin;
 - 1.2.2. Data dhe vendi i lindjes;
 - 1.2.3. Numri i diplomës apo certifikatës së specializimit
 - 1.2.4. Numri i licencës;

- 1.2.5. Data e lëshimit dhe data e skadimit të licencës;
- 1.2.6. Numri personal;
- 1.2.7. Nënshkrimi i Kryetarit të Komisionit për Licencim dhe Kryetarit të OFK-së;
- 1.2.8. Vula e OFK-së e vendosur në mes të nënshkrimit të Kryetarit të Komisionit për Licencim dhe Kryetarit të OFK-së.
- 1.3. Të dhënat në licencë shënohen në tri gjuhë: shqipe, serbe dhe angleze;
- 1.4. Kodi i licencës së specialistit është kodi i licencës së farmacistit duke i shtuar edhe kodin e specializimit;
- 1.5. Licenca mund të nënshkruhet edhe nga personi i autorizuar nga Kryetari i Komisionit për Licencim ose Kryetari i OFK-së.
- 1.5.1. Në rastet e lëshimit të licencave të humbura apo të larguara nga plastifikimi nënshkruhen nga shërbimi profesional dhe Kryetari i Odës bazuar në kopjen e licences autentike në Odë.

Neni 19

Tërheqja e licencës

- 1. Licenca mund të tërhiqet vetëm personalisht nga titullari i licencës, ose me autorizim të titullarit, përmes emailit zyrtarë nga data baza.
- 2. Me rastin e tërheqjes i licencuari duhet të nënshkruhet në librin e tërheqjes së licencave.
- 3. Në libër duhet të përmbajë:
 - 3.1. Emrin dhe mbiemrin e të licencuarit;
 - 3.2. Numrin e licencës;
 - 3.3. Datën e tërheqjes së licencës;
 - 3.4. Nënshkrimin e titullarit të licencës.

Neni 20

Masa disiplinore e tërheqjes së përkohshme ose të përhershme të licencës ose fshirja e profesionistit shëndetësor nga regjistri

- 1. Komisioni i Licencimit është kompetent për tërheqjen e përkohshme ose të përhershme të licencës dhe fshirjen e profesionistëve shëndetësorë nga regjistri i anëtarëve.
- 2. Komisionin i Licencimit ekzekutimin e kësaj mase e bën në mbledhjen e parë të saj pas rekomandimit të Këshillit Etik ose vendimit të Gjyqit të Nderit në rast ankese nga pala.

3. Komisioni i Licencimit pas ekzekutimit e njofton organin kompetent se ka zbatuar këtë vendim, në mënyrë që organi kompetent të regjistrojë këtë masë në regjistrin e masave disiplinore të anëtarëve të Odës.

KREU VII – REGJISTRI I LICENCEVE TË LËSHUARA DHE REVOKUARA

Neni 21

Regjistri i licencave të lëshuara dhe revokuara

1. Komisioni për Licencim mban regjistrin e të gjitha licencave të lëshuara dhe revokuara.
2. Regjistri i licencave përmban:
 - 2.1. Emrin dhe mbiemrin e farmacistit,
 - 2.2. Numrin e licencës,
 - 2.3. Datën e lëshimit të licencës,
 - 2.4. Datën e skadimit të licencës.
3. Regjistri i revokimit të licencave përmban:
 - 3.1. Emrin dhe mbiemrin e farmacistit,
 - 3.2. Numrin e licencës,
 - 3.3. Arsyen për të cilën revokohet licenca,
 - 3.4. Faktin se revokimi është i përkohshëm apo i përhershëm.

Neni 22

Publikimi i regjistrit të farmacistëve të licencuar

1. OFK do të publikojë çdo muaj listën më të re të farmacistëve të licencuar në ueb faqen zyrtare të OFK-së.
2. Të dhënat e publikuara do të jenë:
 - 2.1. Emri dhe mbiemri,
 - 2.2. Numri i licencës,
 - 2.3. Data e lëshimit të licencës,
 - 2.4. Data e skadimit të licencës.

KREU VII – DISPOZITAT KALIMTARE DHE PËRFUNDIMTARE

Neni 23

Dispozitat përfundimtare

1. Aplikimet për licencim dhe rilicencim behen përmes platformes elektronike për shërbimet e anëtareve. Në rastet e problemeve teknike të sistemi, aplikimi mund të bëhet fizikisht por gjatë shqyrtimi evidentohet në procesverbal se aplikimi është bërë fizikisht.
2. Rastet të cilat nuk janë të parapara me Rregulloren e Komisionit për Licencim vendosen nga Këshilli Drejtues i OFK-së.
3. Anëtarët e OFK-së të cilët kanë licenca të skaduara dhe pike të mjaftueshme të cilet paraqiten për rilicencim deri me datën 31/03/2025 nuk i nënshtrohet provimit profesional, por kanë validitet të pikëve të tyre pavarësisht nga koha që ka kaluar prej skadimit të licencës.
4. Me miratimin e kësaj rregullore shfuqizohet rregullorja për Regjistrimin dhe Licencimin e farmacistëve nr 39 të datës 08/08/2019, vendimi nr 139 i datës 30/12/2020 dhe dispozitat tjera nën statutore që janë në kundërshtim me këtë rregullore
5. Kjo Rregullore hyn në fuqi ditën e miratimit nga Kuvendi i OFK-së dhe fillon të zbatuar nga data 1 Janar 2025.

Prishtinë
14.12.2024



Kryetari i OFK-së
Mr.Ph. Kadri Bytyqi